

M. PAULI JUUSTEN,  
EPISC. QUONDAM AB.

CHRONICON EPISCOPORUM  
FINLANDENSIVM,  
ANNOTATIONIBUS ET SYLLOGE MONU-  
MENTORUM ILLUSTRATUM.

---

CUJUS

PARTICULAM XXIV,

CONS. FAC. PHILOS. R. ACAD. ABOËNSIS,

PRÆSIDE

M. HENRICO GABRIELE  
PORTHAN,

ELOQV. PROFESSORE REG. ET ORD. R. ACAD. LITT. HUMAN.  
HIST. ET ANTIQUIT. MEMBRO,

*Publicæ bonorum censuræ submittit*

CAROLUS HENRICUS ENCKELL,  
Stip. Reg. Satacund.

IN AUDITORIO MAJORT die VII MART.  
A. MDCCXCH,

Horis ante meridiem consuetis.

---

ABOÆ Typis FRENCKELLIANIS.

THESES RESPONDENTIS.

*Thesis I.*

**Q**uoniam ea est hominis in mundum prodeuntis indeoles, ut ad exempla eorum quorum in confortio puerilem agit ætatem mores suos libenter componat; recte dicitur, liberos non minus a sociis suis, quam parentum disciplina, primumque educari.

*Thes. II.* Etsi Grammatica dici solet janua linguae; tamen hanc facilius per usum quam per illius præcepta addisci, negari nequit.

*Thes. III.* Qui cogitaverit, notionum nostrarum universaliū plurimas, non nisi per abstractionem a rebus existentibus esse ortas: facile intelliget, quam necessarium sit, ut in iis examinandis subinde animum ad experientiam advertamus.

*Thes. IV.* Imbecillitatem ingenii humani non satis considerant, quibus mirum videtur, homines sententias simul amplecti inter se prorsus contrarias.

*Thes. V.* Quum alteri homini saepe improbabile merito videatur, quod alter certum esse intelligit: cauti esse debemus, in iis rejiciendis, quæ nobis improbabilia visa, hominum tamen fide dignorum nituntur testimonii. Unde tamen dubitandi ratio & examinandi diligentia, minime tollendæ sunt.

*Thes. VI.* Historia diligens dogmatum, cum Theologorum tum Philosophorum, si nullum alium haberet usum, nisi hunc ut ad mutuam opinionum suarum tolerantiam homines prioniores efficeret; magni tamen existimari deberet pretii: Experientia enim multiplex docuit, ignorantiam historiæ literariae rite cultæ, matrem intolerantiae ubique fuisse atrocissimæ.

*Thes. VII.* Quamvis homo auctor vitae suæ non sit; tamen bona conscientia interdum vitæ periculo se exponere potest.

*Thes. VIII.* Alterum punire ob peccata alterius, tyran ni est, parum prudentis. Unde nec liberos ob peccata parentum, juste puniri, videre licet.

pertatē Ecclesiæ suæ (præ reliquis patriæ) hanc curam illis necessariam hactenus reddidisse? Nisi has ce litteras encyclicas fuisse, existimare debemus, atque ad abusus hujusmodi (ut Hierarchis videbatur), in australioribus Europæ partibus non raros, prohibendos proxime quidem comparatas atque promulgatas, sed per omnes tamen regiones Hierarchiæ Papali subjectas, summo rei momento hanc providentiam exigente, simul missas; quod & *Ducum, Marchionum, Comitum, Baronum* inter Ecclesiæ spoliatores injecta mentio, prodere videtur? Obliviscendum vero non est, Papam eundem, quod nuper significavimus, paucos post dies (d. 18 April. 1377) ad Episcopum nostrum nominatim, faventissimas scripsisse literas. Sed in hanc rem diligentius inquirendi otio nunc quidem carremus, aliorum industriae relinquentes: quare literarum ipsarum exemplum subjicimus (325).

A a a

Quum

(325) "Gregorius Episcopus, servus servorum Dei, Venerabilibus fratribus Strenginensi & Revalieni Episcopis, ac dilecto filio Abbatii Monasterii in Padhes Revaliensis Dyocesis, salutem & Apostolicam benedictionem. Militanti ecclesie, licet immeriti, disponente Domino, no presidentes, circa curam ecclesiistarum & monasteriorum omnium solertia reddimus indefessa solliciti, ut juxta debitum pastoralis officii eorum occurramus dispendiis, & profectibus, Divina cooperante clementia, salubriter intendamus. Sane dilectorum filiorum *Prepositi & Capituli Ecclesie Aboensis* conquestione perceperimus, quod nonnulli *Archiepiscopi, Episcopi* aliquique ecclesiistarum *Prelati & clerici* ac ecclesiastice persone, tam religiose quam seculares, nec non *Duces, Marchiones, Comites, Barones, Nobiles, Milites & Iici, Communia civitatum, universitates opidorum, castrorum, terrarum, villarum & aliorum locorum, & alie singulares persone* civitatum & dyocesium & aliarum parcium divisarum, *occuparunt & occupari fecerunt castra, villas & alia loca, terras, domos, possessiones, iura & iurisditiones, nec non fructus, redditus & proventus eiusdem ecclesie, & nonnulla alia bona, mobilia & immobilia, spiritualia & temporalia, ad Prepo-*

Quum ab una parte *Helsingia* (totam olim *Norrlan-*  
*diam* hodiernam complexa) Dioecesi esset Upsaliensi addita,  
ab

„situm & Capitulum predictos spectancia, & ea detinent indebite oc-  
 „cupata, seu ea detinentibus prestant auxilium, consilium vel favorem.  
 „Nonnulli eciam Civitatum ac Dioecium & parciūm predictarum, qui  
 „nomen Domini in vacuum recipere non formidant, eisdem Preposito  
 „& Capitulo super predictis Castris, villis & locis aliis, terris, domi-  
 „bus, possessionibus, iuribus & iurisdictionibus, fructibus, censibus,  
 „redditibus & proventibus eorundem & quibuscunque aliis bonis, mo-  
 „bilibus & immobilibus, spiritualibus & temporalibus, & aliis rebus  
 „ad eosdem Prepositum & Capitulum spectantibus, multiplices mole-  
 „stias ac iniurias inferunt & iacturas. Quare dīcī Prepositus & Capi-  
 „tulum nobis humiliter supplicarunt, ut cum eisdem valde reddatur  
 „difficile pro singulis querelis ad Apostolicam sedem habere recursum,  
 „providere ipsis super hoc paterna diligencia curemus. Nos igitur ad-  
 „versus occupatores, detentores, presumptores, molestatores & iniuria-  
 „tores huiusmodi, illo volentes eisdem Preposito & Capitulo remedio  
 „subvenire, per quod ipsorum compescatur temeritas, ac aliis aditus  
 „committendi similia precludatur; Dīcpcioni vestre per Apostolica  
 „scripta mandamus, quatenus vos vel duo aut unus vestrum, per vos  
 „vel alium seu alios, eciam si sint extra loca in quibus deputati esse  
 „conservatores & iudices, prefatis Preposito & Capitulo efficacis de-  
 „fensionis presidio assistentes, non permittatis eosdem super hiis & qui-  
 „buslibet aliis bonis & iuribus ad eosdem Prepositum & Capitulum  
 „spectantibus, ab eisdem vel quibusvis aliis indebite molestari, vel eis  
 „gravamina seu dampna vel iniurias irrogari: facturi dictis Preposito  
 „& Capitulo, cum ab eis vel procuratoribus suis vel eorum aliquo  
 „fueritis requisiti, de predictis & aliis personis quibuslibet, super re-  
 „stitutione huiusmodi castrorum, villarum, terrarum & aliorum loco-  
 „rum, iurium & iurisdictionum ac bonorum mobilium & immobilium,  
 „reddituum & proventuum & aliorum quorumcunque bonorum, nec  
 „non de quibuslibet molestiis, iniuriis atque dampnis, presentibus &  
 „futuris, ab illis videlicet que iudiciale requirunt indaginem, sum-  
 „marie & de plano, sine strepitu & figura iudicii, in aliis vero prout  
 „qualitas exigerit, iusticie complementum, occupatores seu detentores,  
 „molestatores seu presumptores & iniuriatores huiusmodi, nec non con-  
 „tradictores quoslibet & rebelles cuiuscunque dignitatis, status, gradus,

ab altera vero Episcopi Aboënses Finlandiam omnem suæ vindicarent ditioni; fieri non potuit, quin de limitibus

A a a 2

inter

„ordinis vel condicionis extiterint, quandocunque & quo cienscunque  
 „expedierit, auctoritate nostra, per censuram ecclesiasticam, appella-  
 „cione postposita compescendo; invocato ad hoc, si opus fuerit, auxi-  
 „lio brachii secularis; non obstantibus tam felicis recordacionis Boni-  
 „facii Pape VIII, predecessoris nostri, in quibus cavetur ne aliquis  
 „extra suam civitatem & dyocesim nisi in certis exceptis casibus & in  
 „illis ultra unam dietam a fine sue dyocesis, ad iudicium vocetur, seu  
 „non iudices & conservatores a sede deputati predicta, extra civita-  
 „tem & dyocesim, in quibus deputati fuerint, contra quoscunque pro-  
 „cedere, sive alii vel aliis vices suos committere, vel aliquos ultra u-  
 „nam dietam a fine diocesis eorundem trahere presumat, dummodo ultra  
 „duas dietas auctoritate presencium aliquis non trahatur, seu quod de a-  
 „liis quam de manifestis iniuriis & violencias & aliis que iudicialem inda-  
 „ginem exigunt, penis in eos, si secus egerint, & in id procurantes adie-  
 „cis, Conservatores se nullatenus intromittant; quam aliis quibuscunque  
 „constitucionibus a predecessoribus nostris Romanis Pontificibus tam de  
 „iudicibus delegatis & conservatoribus, quam personis ultra certum nu-  
 „merum ad iudicium non vocandis, aut aliis editis, que nostre possent  
 „in hac parte iurisdiccioni aut potestati eiusque libero exercicio quomo-  
 „dolibet obviare; seu si aliquibus communiter vel divisim a prefata sit  
 „sede indultum, quod excommunicari, suspendi vel interdici, seu extra  
 „vel ultra certa loca ad iudicium evocari non possint, per litteras apo-  
 „stolicas non facientes plenam & expressam ac de verbo ad verbum de  
 „indulso huiusmodi & eorum personis, locis, ordinibus & nominibus  
 „propriis mencionem. & qualibet alia dictæ sedis indulgencia generali  
 „vel speciali, cuiuscunque tenoris existat, per quam presentibus non ex-  
 „pressam vel totaliter non insertam nostre iurisdiccionis explicacio in  
 „hoc parte valeat quomodolibet impediri, & de qua cuiusque toto te-  
 „nore de verbo ad verbum habenda sit in nostris litteris mencio speci-  
 „alis. Ceterum volumus, & apostolica auctoritate decernimus, quod  
 „quilibet vestrum prosequi valeat articulum eciam per alium inchoatum,  
 „quamvis idem inchoans nullo fuerit impedimento canonico prepeditus,  
 „quodque a dato presencium sit vobis & unicuique vestrum, in pre-  
 „missis omnibus, ceptis & non ceptis, presentibus & futuris, ac pro-  
 „predictis procedere, ac si predicta omnia & singula coram vobis cepta  
 „fuissent, & iurisdiccio nostra & cuiuslibet nostrum in predictis omni-

inter utramque dioecesim controversia aliquando nasceretur; dijudicatu eo difficilior, quod nec regionum illarum fines, nec incolarum fedes, constantes olim fuissent. Fenni, orientale sinus Botnici litus boream versus sensim persequentes, ultimum ejus recessum tandem superaverant, atque circa Tornoam, nemine prohibente, jam confederant: quorum omnium convertendorum & spirituali suo imperio subjiciendorum potestas atque officium cum Aboensi eslet Episcopo demandatum, hic pastoralem suam ditionem æque propemodum late sensim extenderat, ac gregis sui habitacula porrigerentur. Ubi vero neglectæ olim solitudines, hominum frequentia celebrari cœpissent, in magnis hujus tractus flaviis piscatum uberrimum exercentium; attentionem Hierarcharum atque in finibus ditionum suarum curatus constituendis diligentiam, hæc res statim excitavit. Unde incolis paroeciarum Kemi & Salo [quarum illam paroecias hodiernas Kemi (indeque nuper separatas Kemi-träsk atque Rowaniemi) Ijo & Pudasjärvi; banc autem paroecias hodiernas Paldamo (ac inde nuper distractam Hyrynsalmi) Sotkamo, Ulo (indeque divulsam nuper Muhos), Limingo, Carlæ, Siikajoki, Pyhäjoki & Kalajoki, eo tempore comprehendisse, non improbabili ter colligit MATHEUS Diff. de Ostrobotnia p. 29 & 55] cum Curatos seu sacerdotes initio jam seculi XIV:ti ab Episco-

---

bus & singulis per citacionem vel modum alium perpetuata legitimum extitisset, constituzione predicta super conservatoribus & alia qualibet in contrarium edita non obstante, presentibus post decennium minime validitatis. Datum Rome apud Sanctum Petrum, V Kal. Aprilis, Pontificatus nostri anno septimo." Regist. Eccles. Ab. Fol. 47. Alia autem illa Bulla Pontificis, super alienacione Castrorum &c. sub mensa Episcopi Aboensis, ejusdem plane, mutatis mutandis, est tenoris, legenda ibid. Fol. 48. Opem criticam neutri adhibuimus; opere pretium non putantes.

piscopo Aboënsi constitutos, tum illarum incolis a Rege Magno Erici significatum atque injunctum fuisse, reperimus, (communi Regis atque Episcopi Aboënsis nomine), ut ipsis Cris Pastoribus tributa ecclesiastica solverent (326): ac ubi ultimas partes suæ quisque Diœcœseos non multo post visitantes Hemmingi, alter Archiepiscopus Upsaliensis, (qui a. 1342 confirmatus, a. autem 1351 mortuus fuit) alter Episcopus Aboënsis, obviam facti essent, amice inter eos de finibus ditionum suarum convenit, quos ita fere ut hodieque habentur, definivisse vidensur (327).

A a a 3

Post-

(326) Cfr. supra p. 231 sq. & not. (108), locaque ibi indicata, It. p. 263, & not. (167).

(327) Vid. supra p. 290. Edixerunt quidem testes in favorem caussæ Upsaliensis, alter (*Nicolaus Patarson de Utnas*) "se personaliter audivisse, quod felicis recordationis Dominus Hæmungus, olim Episcopus Aboënsis, confessus fuit & veraciter recognovit coram venerabili patre Domino Hemingo Dei gratia quondam Upsalensi Archiepiscopo, bona memoria, omnia quacunque de suo officio aliquando exercuerat & impenderat in Norrabutn, sive confirmingando, sive cimenteria benedicendo, se fecisse in servitium Upsalenlis Ecclesie, & ipsius Domini Archiepiscopi relevamen"; alter (*Joan Langer*) "quod idem Dominus Hæmungus Archiepiscopus protunc baptizavit in Torni circa viginti personas, tam de Lapponibus quam etiam de Karelis habitantibus in Ustooa, Kim & Sim." Sed quod ad priorem illum testem attinet, nimis late concessionem Episcopi Aboënsis interpretatus esse, aut minus accurate memoria tenuisse videtur. De tractu videlicet tantum Tornioensi locutum fuisse Episcopum, verisimile est, (de quo nunquam Aboënses controversiam Upsaliensibus moverunt,) non juri suo in totam Ostrobothniam Borealem (Norrabutn) renuntiasse, quo nomine parœcia etiam Salo comprehendebatur, in quam jus sibi Upsalienses nunquam arrogaverunt. Quain nostram interpretationem illustrat alterius testis assertio, dicentis "se audivisse dictum Dominum Hæmungum Episcopum Aboensem manifeste fateri coram eodem Domino Archiepiscopo, se confirmasse & cimenterium in Torni benedixisse, nomine & ex parte ejusdem Domini Archiepiscopi & ipsius Upsalenlis Ecclesie, & non suo

Postquam vero Birgerus Gregorii Upsaliensi admotus sedi fuisse, hac pactione non contentus, litem Aboënsi acrem intendit, atque ad fluvium usque Uloensem, suam extendere ditionem voluit; argumentum prætexens, quod ad eum usque fluvium Helsingiæ fines porrecti olim fuissent. Quod demonstratus, cum ad testes aliquot provocavit, Helsingiæ incolas, quos juratos a Notario Publico solenniter curavit examinando, (qui veteres illos Helsingiæ limites, non traditione tantum majorum constanti, sed legum quoque Helsingicarum antiquarum auctoritate (328) confirmari, edixerunt,) verum literas quo-

„nomine vel Ecclesiæ Aboënsis, super quo literas suas patentes Domino Archiepiscopo tunc concessit præfatus Episcopus Aboënsis.” Patet concessionem & literas Episcopi non nisi Tornoënsis spectasse parœciam; quibus literis si Kemiensem quoque & Ijoensem parœcias Upsaliensibus concessisset, has literas, rem mox conjecturas, haud neglexissent in medium proferre, lite post vicennium renovata. Quod autem Archiepiscopus, in Torni (ultra cuius parœcia fines eum progressum non fuisse aperite significatur) baptizavit Fennos quoque nonnullos in Ulo, Simo & Kemi habitantes, qui ad illum, hunc in finem, accesserant; id non magis probat illum hæc etiam loca sua Dioecesi vindicasse, quam Antistitis Aboënsis parœcti Tornoæ actus Episcopales ostendunt eum hanc parœciam ad suam retulisse Dioecesin. Post discessum nempe Aboënsis, (qui sibi, Tornoam versus tendenti, obviam progressus fuerat) Archiepiscopus Fennis quibusdam suæ provinciæ vicinis, qui ad nomen Christo dandum induci interim fuerant, hoc officium præstitit. Nec verisimile est, si Hemmingus terram inter fluvios Tornoënsem & Uloënssem sitam Upsaliensi concessit Archiepiscopo, successores tamen suos, illius suffraganeos, banc mox sive sedi vindicare ausos fuisse?

(328) Nunc quidem, in typis edito harum legum exemplo, nihil tale offendimus; sed Instrumentum a Notario Publico, curante Archiepiscopo, A. 1374. exaratum, quod exhibet RUDBECKIUS, *Atlanticæ T. III p. 445 sq.* (ex Ecclesiis Helsingiæ Ballenäs & Narvala, ut male legit, pro Bäldanäs sive Bälndnäs & Norr-ala, sibi missis) testatur, olim in principio paragraphi ultimi in rubrica quæ dicitur *Tingmåla*

quoque *Kanuti Joansson*, Dapiferi, a. 1328 datas, & Diplomate Regis Magni a. 1339 confirmatas (329), pro sua affer-

Balser, hujusmodi verba extitisse: *Swa siptis landom twåggia Konunga mållan, att Swerikis oc Norifikis bryias i illa tråf, oc lesher åptir issina temptan wiéna langan.* Ita legi verba debent, quæ corruptius adfert RÜBECKIUS, aut parum accuratum ipsarum literarum exemplum (ut quædam etiam alia earum loca produnt) natus, aut parum diligententer illas legens (cfr. PERINGSKJÖLD Monum. Ullerakerensis. p. 150); in primis absurdè suum *Thmå* vel *Tmå*, dorsumq[ue] montis *Tmai*, hic intrusit, pro quo PERINGSKJÖLD loco c. & alio mox commémorando (Monum. Upland. T. I p. 4) habet *Ijsma*, verbum illud quoque absconum & inane. Registrum vero *Aboinje* clare exhibet epter *issina*, secundum glaciem; annu[m] scilicet glacie constrictum metiendo; quo tempore distantiam Lacus *Ulo* (*Ulo-Tråk*) ab ostio fluminis, commodissime, super glaciem progrediendo, dimetri licet, intervallum istud 15 millaria æquare afferitur, idque vere: *wika* autem, cum de maritimo itinere sermo est, milliare spatium denotare, docet HARALD GLOFFAR. Sviogoth. in hac voce. Verbis autem legis adductis non adveratur, quod in alio Instrumento, ab eodem Notario Publico concocto, testis edicit: "verba ista sensualiter scripta esse & contineri in Libro legum terra Helsingoniae: *Swa åru Helsingia Raa som byrias i illa, thråssi &c.*" Nempe Leges istas scriptas fuisse appetet, cum Helsingia ad Regnum Norvegiae adhuc pertineret (cfr. STURLESON Hist. Reg. Norvegicor., Ed. Peringskjöld. T. I p. 95, 139, 636, s. Harald Harfang. Saga C. 20, Håkan Godes Sag. C. 14, & Olof Haraldson's Saga C. 147); deinde vero verba ista in juniores etiam codices, ex vetustissimis delcriptos propagata, diu superstitia mansisse: quare eo loco fines Norvegiae & Helsingiae idem significare, putandum est. Instrumentum, quo testium assertiones ab Archiepiscopo excitatorum, continentur, quoniam a Peringskjöldio l. c. (Monum. Upland. T. p. 3 sqq.) satis accurate editum est, hic non adponimus; sed annotationem tamen exhibere placet in Registro Eccles. Ab. Cubi Fol. 13 descriptum habetur) eidem adscriptam, quæ talis est: *Sed testes pro magna parte suspecti habentur. Sed precriptione hujusmodi instrumentum infirmatur.*

(329) Literæ Kanuti Joansson leguntur apud PERINGSKJÖLDIUM l. c. (Monum. Upland. T. I) p. 5 sq. Sed Literæ R. Magni confirmatorie (quamvis eas etiam se adducturum p. 3 pollicitus esse videatur) non comparent; utrarumque tamen meminit in suis literis Rex Albertus.

assertione tuenda attulit; eo successu, ut R. Alberti diplomate, causa tandem (a. 1377) suum in favorem judicaretur (330). Sed neque interim Episcopus Aboensis suæ causæ defuit; qui non modo testimoniis ille etiam, juris atque possessionis suæ vetustatem usumque diuturnum ac non interruptum confirmantibus (331), sese munivit,

---

(330) Exhibetur a PERINGSKIÖLĐIO l. c. (*Monum. Upland.* T. I) p. 6 sq. Cfr. de hac lite etiam LAGERBRING *Sv. Rikes Hist.* 3 D. C. XI, §. 8, p. 831.

(331) Primum duplex *Communitatis Satagundiæ*; utriusque exemplum in *Registro Eccles. Ab.* servatur, uno eodemque die dati. Alterum item hanc in universum spectat, (Fol. 12 ibidein obveniens), hujusmodi: "Universis presentes litteras inspecturis tota *Communitas terre Satagundie* salutem in Domino sempiternam. Noverint universi, quod nos anno Domini MCCCLXX quarto, XVI die mensis Julii, apud ecclesiam Kumo generaliter congregati, & ibidem per venerabilem Patrem in Christo, Dominum Johannem, Divina miseratione Episcopum Aboensem, requisiti super limitibus inter Archiepiscopatum Upsalensem & Episcopatum Aboensem in Norrabuith ab antiquo servatis & in futurum observandis, notum facimus & probare volumus iuramenti nostris, cum & quociens requisiti super hoc fuerimus, quod limites in Norrabothn in modum qui sequitur sunt servati: videlicet quod Kakana attinet Archiepiscopatu Upsalensi, & Kiemattutz Episcopatu Aboensi, & subsequenter Ijoki, Ulajoki, Sikajoki & Patsjoki, & predicti limites inter Archiepiscopatum Upsalensem predictum & Episcopatum Aboensem sunt servati, quod de contrario hominum memoria non existit, prout non solum habemus per experientiam, verum etiam de his fidem recepimus per legitima parentum nostrorum documenta. In quorum omnium evidenciam, sigillum Communitatis nostre presentibus est appensum. Datum & actum die, anno & loco supradictis, presentibus clericis & laicis fide dignis." Quid Kiemattutz, in his literit obveniens, sit, nescimus; suspicamur vocem esse corruptam, atque legi fortassis debere Kemi-träsk? qui lacus, cum ad ditionem Episcopi Aboensis indubie pertineret, fluvium quoque inde delapsum æque certo ad hanc esse referendam colligunt, ac lacus Kakana, cum amne inde fluente (Kakamajoki), in Archiepiscopi Upsaliensis Dioecesi situs sit? Vel num sub corrupta voce Kiemattutz, Kemijoki (Kemiensis

nivit, sed etiam assentum atque approbationem nactus  
est viri Rege ipso temporibus illis haud paullo potentio-  
ris,

B b b

fluvius) delitescit? Cæterum significare enumeratorum fluviorum hic con-  
stitutus ordo videtur, Patsjoki amnem esse Saloensem qui Patti-  
joki hodie audit? Alterum ejusdem Communitatis datum Episcopo  
testimonium, Capellas (hodiernas Pareccias) Kemi & Ijo speciatim spe-  
cians, in *Registro Ab.* Fol. 45 legendum (quod in Diss. de Ostrobothnia  
p. 36 publici juris jam fecit MATHESIUS) tale habetur; "Universis  
presentes litteras inspecturis omnes & singuli terram Satagundie inha-  
bitantes, salutem in Domino, Noyeritis, quod nos anno Domini  
MCCCLXX quarto, XVI die mensis Julii, apud ecclesiam Kumo in  
publico placito congregati, requisiti fuimus per reverendum in Chri-  
sto patrem, Dominum Johannem, Divina miseratione Episcopum A-  
boensem, super capellis Kem & Joky (h. e. Kemi & Ijoki), videlicet  
an dictæ capelle infra limites Aboensis dyocesis in Norraborohn sepe  
contingentes sitæ existerent & fundate. Nos vero huiusmodi inquisi-  
tione iuxta conscientias nostras satisfacere cupientes, ostendimus, si-  
cuit & iuramentis nostris probare volumus requisiti, quod dictæ ca-  
pelle Kem & Joky cum villis & annexis, infra limites certor Aboen-  
sis Dyocesis sunt constructæ, & tanto tempore subiectæ erant regimini  
ecclesiæ Aboensis, quod de contrario hominum memoria non existit, sic  
quod ipsa ecclesia Aboensis in prefatis capellis libera & pacifica posse-  
sione fungebatur usque modo. De & super quibus omnibus premissis  
non solum nos per experientiam, verum etiam per legitima propa-  
trum nostrorum documenta recepimus plenam fidem. Datum sub sigil-  
lo Communitatis nostre supradictæ, anno die & loco suprascriptis,  
presentibus clericis & laycis fide dignis" Communitatis Satacundiae  
testimonium cur Episcopus in hoc caussa expetierit, hæc in primis fuisse  
videtur, quod hujus regi nis incolæ, Ostrobothniæ (olim fere deserte  
& non nisi feris Laponibus peragrata) viciniores, pescatum in flaviis  
eius uberem ac in silvis venatum exercentes (ut alia etiam vetustiora  
confirmant monumenta), & notitiani hujus regionis rerumque ejus ha-  
bere diligentiore censeri deberent, & oram ejus maritimam, in flu-  
viorum maxime vicinia, partim sibi vindicassent, prædiisque suis an-  
nexissent.

Tertium, quod pro caussa sua defendenda Episcopus attulit testi-  
monium, Civitatis fuit Aboensis (cujus cives mercatum in illis terræ

ris, famosi nempe illius Drotzeti Bo Jonsson: ad quem, in Finlandia tum versantem, cum Archiepiscopus (cui vehementer hæc res curæ cordique fuisse videtur) causæ suæ commendandæ gratia scripsisset, parum favorable tulit responsum (332); e quo discimus, eum his locis diligenter gen-

---

partibus exercuisse, indeque conditionem earum rescire potuisse, videntur), hujus formæ: "Allom mannom thetta Breff see eller hōra, helsom „wy Borgmestara oc radzmän i Abo åverdelica met varom Herre. Fore „then skuld, at millan hederlika Herra Archebiscopenom aff Upsilon, „oc Biscopenom i Abo är kommen en olämna um tw Capellå, Kem oc „Joki, huilko Biscopsdöme the skulu heldre tilhōra, oc nu medhan „ols är athsporth hwadh vi ther aff vithum; thy vilom vi ey thet lō- „na som ols är ther um kunnocet. Fore hwanskuldh kännomps wy met „vare öpne bressue, at the forde Kapellå, Kem oc Joki, haffua un- „der Abo Dom-Kirkie aff alder lighad, swa at engen finz then met „ols som annat minnis; oc thetta troom wy santh at vara, for thy at „vi haffuom aldrigh annat sporth. Scriptum Abo Anno Dom. MCCCLXX „quinto, XI die Maji, sub sigillo Civitatis nostre in testimonium pre- „missorum." *Registr. Eccles. Ab. Fol. 45.*

(332) Memorabiles has Drotzeti literas, incognitas hactenus rerum nostrarum scriptoribus (quæque non parum pertinent ad dubium solvendum: eur auctoritas Regis, certam Archiepiscopo victoriam tribuentis, effectu tamen prorsus caruerit?) primus in lucem nuper edidit Reverendiss. & Eminentiss. Archiepiscopus VON TROIL, in Collectio- nis egregiæ, cui titulum fecit *Skrifter och Handlingar til uplyſning i Svens-ka Kyrko- och Reformations Historien*, Parte II p. 351 sqq. Initium literarum hujusmodi est: "Obsequiosa in Domino salute premissa. Bis- „tin thåt kåre Herre Årkebiskop, at jac hafwer talat och sport Biskopin af Fin- „lande, klerka ek lekmän med honum, um the wa firker I tasim upp, hvil- „ka alle män sighia at Årkebiskop Hämmingr och Biskop Hämning af Abo „the hafthe sif siva forlikat um them i therä lisdagha med storom (an „swam?) stålom, at the sulde ligia i Abo Biskopsdöme; ther latir ek themne „Biskopin Idhr umbidhia at I ekte thet fore honum quælia ålla hindra, som „hans forfädhr fore honum radhit hafva. Ek fändir jak idhir ena Utscrip of „Lundamäromen i hvath mato the werdho tha stadtath, som mik är bewist." &c. Descriptio autem hæc fixium talis ipsi Epistolæ adjuncta reperitur: "Li- „mites inter Archiepiscopatum Upsalensem & Episcopatum Aboensem.

genter in rem inquisivisse. Qua fortassis occasione, illa partim collecta editaque putas testimonia, quæ in suæ causæ præsidium Episcopus noster adhibuit, quæque hinc in *Registro Ecclesie Aboënsis* conservata hodieque legi possunt. Exitum autem hæc lis tales habuit, ut Episcopus Aboënsis suique deinceps successores, in possessione perpetua ac tranquilla juris hactenus usurpati, manerent (333).

## B b b 2 Aliam

„Kakama attinet terre Hæltingie, & Lem (leg. Kem, h. e. Kemi) attinet Episcopatum Aboensi, & subsequenter - - - ki (supple Ijoki), Ula-, joki, Sikajoki & Patajoki; iſi limites servati fuerant a centum annis „Et ultra, juxta assertionem seniorum habitantium in Norrabotn, Ulf-, by, Kumo & Birkala, quod suis juramentis probare sunt parati. Thäts „ta herette mik biskopin, flärkan med honum, ok gode gamble lekmän, som „med hasthe warit, tha thäfse sämpian gioi dhis". Facile patet, quam accurate hæc cum iis quæ in testimonio *Comunitatis Satacundiæ*, nu- per allato, dicuntur, consentiant.

(333) Inter monumenta que hanc item attingunt, sequentes etiam litera in *Registro Ecclesie Ab.* occurunt; quas licet jam attulerit MATHESIUS, Diff. de Ostrobotnia p. 77 sq. exscribere tamen placet, quia ad conditionem rerum, hoc tempore, in Ostrobotnia illustrandam apprime pertinent, nonnullisque porro monendis opportunitatem præbent.  
 „Johannes Divina miseratione Episcopus Aboensis Reverendis vi- „ris Dominis Preposito ceterisque ecclesiistarum Cūratis per Norrabuthn „constitutis, sinceram in Domino caritatem & mandatis nostris salu- „bribus salubriter obediens. Quia quidem (quidam?) Dominus Andreas „Dacus, Clericus nostre Aboensis Dyocesis, in via honestatis & pru- „dencie non recte progrediens, sed cum iniisi in circuitu ambulans ad „mala convertit pedes suos, qui inicio sapientie (?) timore Dei post- „posito, nostram presenciam tamquam filius perditionis minime reve- „rens, dampnande fornicacionis crimen commisit, in quo quidem cri- „mine detestabili solus cum sola, eo tempore quo conjuges Deum ti- „mentes a licitis eciam contactibus abstinere solet, a nostris familia- „ribus est repertus; nec ipse penitencia ductus ad petendam veniam a- „nimum [non] conyertit, immo more Cayn facta sua dissimulans & tan-

Aliam quoque litem, minus quidem illam difficultem, sed diu tamen actam atque subinde restauratam, inter

„quam stultus spernens disciplinam patris (*Matthesius* habet prioris?)  
 „sui, ad remota fugam dedit. Sed nec istis idem Dominus Andreas  
 „contentus maliciis, ymo peccata peccatis accumulans, & in profundum  
 „malorum descendens, se de Kapellis Kemi & Jyky, nostre iurisdictionis  
 „subiectis, absque nostro mandato temere intromisit, petendo (&) fa-  
 „cerilege spoliando ea que nobis & Curato in Pedersore ibidem deben-  
 „tur annis singulis loco Decimarum. Nos contra tam nepharium inobe-  
 „diencie filium, sacrilegum, fornicatorem notorium, siveque salutis imme-  
 „morem, ecclesiastice ulceris gladium volentes acuere, ne delicta sua  
 „aliis occasionem delinquendi prebeant impunita, predictum Dominum  
 „Andream Dacum, canonica monitione premissa, si in termino sibi per  
 „priores litteras nostras assignato non comparuerit, excommunicationis  
 „sententia innodamus, in hiis scriptis precipientes districte vobis &  
 „vestrum cuiilibet, quatenus predictum Dominum Andream, quem co-  
 „ram nobis citari fecimus, singulis diebus Dominicis & festivis, in ec-  
 „clesias vestris, cum & quociens populus ad Divina convenerit, post-  
 „quam vobis de ipsis contumacia per litteras Domini Curati in Pater-  
 „ora expresse confiterit, excommunicatum publice nuncietis, donec ip-  
 „se Dominus Andreas, errores suos cum debita satisfactione humiliter  
 „recognoscens, ab hac nostra sententia absolpcionis beneficiis merue-  
 „rit obtinere. Datum apud ecclesiam nostram Aboensem Anno Domini  
 „MCCCLXX quarto, feria 2da post Olavi, nostro sub sigillo.” Regis-  
 „tr. Eccles. Ab. Pol. 45. Andreas hic *Dacus* (h. e. pro more loquen-  
 „di illius temporis, *Danus* natione?) utrum in privatum suum usum,  
 „reditus qui ex Kemi & Ijo ad Episcopum Aboensem & Curatum in Pe-  
 „dersore pertinenter, interverttere ausus fuerit, an vindicta actus cupi-  
 „dine dictas Capellas ditioni subiecere Sedis Upssalensis tentaverit, du-  
 „bium videri queat; primum, quod literæ hæ excommunicationis in Re-  
 „gistro Ecclef. Aboensis inter documenta comparent quæ famolam illam  
 „litem tangunt; deinde quod epigraphen hujusmodi ostentent: “Hic ex-  
 „communicatur Dominus Andreas Dacus, qui Kemi & Jyki alienare ni-  
 „tebatur.” Que verba vix de homine adhiberi potuisse credas, qui  
 „modo illegitimo ipse reditus Episcopales invasisset? Porro, quod ex his  
 „literis colligit l. c. MATTHESIUS, Curatum in Pedersore Praepositi si-  
 „mul in Ostrobothnia munus gessisse, verisimile omnino videtur, quia  
 „Praepositi aliquem his Ecclesiis jam praefuisse, ipsa literarum inscri-

ter clerum & populum Nylandiæ (334), de portione Cleri  
B b b 3 cibæ.

ptio docet, nec facile credas Curatum in Pedersöre alio nomine redditus aliquos ex Ijo & Kemi, interacente parœcia Salo a suæ Ecclesiæ finibus discretis, percepisse. Seculo etiam serius (a. 1478) *Magnun*, Curatum Ecclesia Pedersöre, simili in reliquias Ecclesias Ostrobothnicas auctoritate polluisse, ex literis Episcopi Conradi (Bitz) discimus: Vid. Tidn. utg. af et Söllskap i Åbo, 1785, Vihang p. 74.

Cæterum diligentiam Episcopi nostri in jure suo super Capellas Kemi & Ijo vindicando, inconsultam haud fuisse, ex redditibus concludere licet non contemnendis, quos ex pescatura, in primis Salmonum, in his flaviis, mensa Episcopalis habuit. Senioris quidem extatis est, sed ad hanc rem illustrandam non minus, quam ad redditus Curatorum atque conditionem terræ in Ostrobothnia, circa finem seculi XV cognoscendam utilis, sequens annotatio, in *Reg. Eccles. Ab. Fol. 60* reperiunda, literisque Episcopi Couradi nuper commemoratis adjuncta: "Reditus & Obvaciones Curati in Kym. Primo habeat præsta de C plaustris feni sub mensa Curati. Numerus mascotancium: Centum quadraginta mascotantes. Quilibet mascotancium habet annuatim exhibere Curato infra scriptas obvencias. Primo pro manso presbiterali, dicto vulgariter Maanpoli, exhibebit quilibet duas pelles albas, vel unum pondus luciorum siccorum, vel quatuor artones. Item quilibet mascotancium dabit plaustrum feni, vel eius valorem, iuxta id quod solet emi & vendi circa festum purificacionis Marie, vel saltem medium marcam. Item quilibet mascotancium dabit diuidium pondus butiri pro mascot, & marcam butiri pro qualibet vacca, vel saltem pro qualibet marca butiri 4 denarios. Item quilibet exhibebit etiam decimas bladorum, que dividi consueverunt in partes equeales inter ecclesiam & Curatum. Item ex qualibet arcu exhibentur due pelles ad usum ecclie & Curati. Item decime pellium debent distribui inter ecclesiam & Curatum. Item pro benedictione nubencium due ore consueverunt exhiberi Curato. Pro introducione mulierum post partum una ora. Item Mercenarii in Pascha solvere tenentur 3 pelles arcuales dictas boaskin (Hogassii) vel unam oram; mercenarie vero duas pelles, vel duos ortugos. Item pro mortuariis adulorum V horas; pro infantibus ora consuevit exhiberi Curato. Item omnes alie decime solventur, demptis decimis Salmonum & luciorum

cibaria (matshott), Episcopum nostrum compescuisse reperimus. Rei per se minus commemorabili celebritatem quandam peperit, quod literas Episcopi hanc item dirimentes (in quarum vetustum exemplar, in membrana scriptum, forte autographon? se incidiſſe significat) luci publicæ, initio hujus seculi (a. 1705) in Epistola Hamburgo ad Johannem Peringskjöldum mislatypisque ibidem (plagia in forma 4:ta) impressa, in publicam lucem una cum R. Birgeri illis ad Nicolatum Andersson datis, quarum supra meminimus, p. 214) emisit RICHARDUS VON DER HARDT, (Westphalus, Auctionator Librorum Reg. & Upsalensis); easdemque Episcopi nostri literas mox Auctario suo Diplomatū Veterū, quo Lindenbrogii Scriptores Rer. Germanicarum Septentrionalium, a se denuo editos, ornavit Jo. ALB. FABRICIUS (Hamb. 1706 Fol.), p. 187 inseruit: ac tandem Tomo IV Historiæ suæ Regni Sviogothici (p. 600 sq.) adjecit Ill. LAGERBRING. Comparent etiam in Re-

„ſiccorum, que reservate ſunt mense Epifcopali. Item medietas pifciū ſvernaliū & autumpnaliū ex decimis cedat mense Epifcopi, & altera medietas mense Curati.” Mascotantes eſſe familias quæ exhibere debebant ſacerdoti portionem cibariam, dictam matshot, per ſe patet; ac Mansum preſbiterale eſſe domicilium cum agro, a parochianis ſacerdoti præſtantum (Præſtegår), quod in illis partibus maanpuoli vocabatur. Pelles albae ſine dubio erant Ermineæ. Pondus (et pundi) 20 libras no-tat. Artones quid ſint, nescio; Artona in Glosſario Cangiano dicitur panem ſignificare, ſed non videtur huc pertinere: quid ſi Ortones legendum, vel adeo ortugos? Denarii eſſe videntur Penningi, quorum 24 Oram, 8 ortugum complent. Bladum (vel bledum, Gallice bled) frumentum denotat. Mercenarii, qui Svet. Drängar, Mercenarie quæ Vigor audiunt; Mortuaria Svet. Liffstot. Cfr. quæ ſupra de Nylandorum ſimilibus expenſis attulinus p. 266 sq. not 168.

(334) Cfr. quæ ſupra diximus p. 192 not. (56), & p. 265 fp. not. (168).

*Registro Eccles. Ab.* Fol. 11; quare, licet integras denuo exhiberé necesse haud ducamus, errores quosdam, ab editoribus commissos, nostri ope hujus exempli infra emendabimus (335).

Non

---

(335) Male RHYZELIUS (*Episcopost.* p. 333) has literas *Johanni II (Petri)* tribuit, a SPEGELIO putamus deceptus; cfr. supra p. 360, not. 314. Ipsas literas, quod eas nuper attulit (l. c.) LAGERBRING, non adjungimus; observationes quasdam circa eas fecisse contenti. Primum igitur ex *Registro Eccles. Ab.* (ubi Fol. XI exemplum harum litterarum habetur) lectiones quasdam variantes excerptemus. *Per terram Nylandiae*, Codex Aboensis provinciam Nylandie. *Pro Karum* (quod in Kram mutari & Katharinam legi absurde voluit FABRICIUS, l. c., addita ratione æque falsa, cui n. Katharine, templum cathedralē *sacrum*, cum contextus eum docere debuisset, in Nylandia, non ad templum cathedralē, clerum & populum ejus provinciae fuisse convocatum) Cod. Ab. recte *Kariis*, parœciam sc. Nylandiae *Karis*, in monumentis antiquis *Kariis* semper fere vocatam. *Hennichinus Dyme*, Cod. Ab. utroque loco *Dume*; hominem nisi ex hoc loco non cognoscimus. *Pro Maskaut* Cod. Ab. ubique *Maskuth*. *Conscienciose* Cod. Ab. *gracioso*. *Quocunque nomine accusentur*, Cod. Ab. *censeantur*. *Pisce qui capitulo*, Cod. Ab. *capitur*; quo modo legi debere recte vidit LAGERBRING. *Pro foro* (quod temere intrusit FABRICIUS, & legi loco, insulse admodum, voluit, cum tamen VON DER HAROT recte edidisset *foca*, h. e. *phoca*) Cod. Ab. *foca*, *Speriolis* Cod. Ab. *esperiolis*, quomodo etiam edidit VON DER HAROT. *Solidos suenos, oram suenam, denarios suenos*, Cod. Ab. recte scribit *suevos, suevam* (h. e. *Svecicos, Svecicam*) pro more illius temporis vulgari. *Pro tunc exactorum regii*, Cod. Ab. *prout exactoris regii*; fortassis *protunc exactoris regii aut, exactor, regior.*? *Apposito (apposita apud FABRICIUM error est typographicus) tamen sigillo terræ quarto die post*. Data apud ecclesiam Tenalee &c, Cod. Ab. quarto die post datam apud ecclesiam Tenalee. Forte post datum, vel datam (scil. litteram h. e. *datas litteras*). *Tenale pro Tenalæ*, more vulgari. Quod deinde Notulas VON DER HARDTII attinet, absurde admodum *Sagenam* explicat (e du Fresno) *navigii piscatorii genus &c*, prater solennem vocis significationem, a qua ne recederet, vel contextus impedit eum debuisset; legitur enim, *de sagenis singulis, cau-*

Non parum, hoc tempore, Ecclesiam etiam Svecicam,  
auctoritati cæterum aliarum facile cedere solitæ, schisma  
illud

*dam dictam Kalf habentibus; quæ pars quædam est retis pectorii co-*  
*dem hodie nomine apud nos tris insignita, quam in *navigio pectori-*  
*rio* quomodo inventre potuerit, intellectu difficile est. Eandem tamen  
explicationem insulsam repetit FABRICIUS. De *Esperiolis* quod di-  
cam, non habeo; utrum *Sparverii* (Sperber) intelligentur, an *passeres*  
(Sperlinge), dubitat FABRICIUS; LAGERBRINGO posterior significa-  
tio placet. Mihi nec tantam vim *passerum* a nostris fuisse capi solitam  
constat, ut ex iis decimas solvi, sacerdotum magnopere interesset, nec  
hanc explicationem contextus suggerere videtur, habens: "decimæ solvantur  
integrales de *esperiolis, avibus, aliisque bestiis silvestribus*". Aves viden-  
tur ab *esperiolis* distingui? Sed nihil affirmo. Vocem *Husquina* (*Hus-  
quina*) matrem familias exponit FABRICIUS; male quidem (nam re-  
de monet LAGERBRING, respondere nostro *Inhyses-Husru*, adeoque  
denotare mulierem agro carentem, sed sui tamen juris, atque manua-  
rio opere ac mercenario, viatum sibi parantem, sive cæterum in aliena  
domo sive in suo tuguriolo habenter), sed non tam inepte ac VON  
DER HAROT, qui *parochianum* significare, disputat. *Campanarium*  
esse nostrum Klokkare, dubio caret. Malamān qui essent, ipse contex-  
tus satis ostendit; nempe inquilini, sive *Cotarii* (verbis utor viri do-  
ctissimi) qui in tuguriolis propriis vel alienis habitant, atque raro a-  
grum conserunt, sed magis opera manuum videntur, eaque ratione fa-  
mulatum aliis exhibent (POTGIESSER de statu Servor. L. I), C. IV,  
§. 69); nostris hodie Corpate or Bacstuguhjón, minime autem, ut putat  
Nobil. LAGERBRING, sive Landkypunán sive Krögare; neque appellatio  
ipsa ullam habet cognitionem cum Fennico *mala*, *patera* (*Skål*), ut  
idem suspicatur, sed aperte composita est ex voce Germanica & Islan-  
dica *mal*, *male* vel *mala*, (*pensio*, *vestigal*, *stipendium*), & *man*, *vir*  
(cfr. DU CANGE *Glossar.* voc. *mal* & *maalmey*, IHRE *Glossar.* *Sviog.*  
voc. *måla*. T. II p. 156 sq.), adeoque significat hominem qui certa  
sibi paœta mercede vel stipendio, certam alicui addixit operam, unde  
milites mercenarios dici *mala* *mår* observat IHRE l. c. (cfr. tamen  
etiam DU CANGE l. c. & POTGIESSER l. c. §. 70). Nec parum ad  
rem illustrandam facit locus *Upl.-L. Kirk. B. c. 9*. *Fatöft* *fels* & *le-  
sum* *wir* *Hussatis* *fels*, *Malekarla*, *Leghuhjón* & *Staffarla*. Quod tan-  
dem pecuniam attinet, in literis Episcopi commemoratam, recte des-*